



# Mapa procesuiranih ratnih zločina u BiH

Mapa procesuiranih ratnih zločina u BiH je interaktivni alat kojeg je razvila Misija OSCE-a u Bosni i Hercegovini s ciljem jačanja transparentnosti i povjerenja javnosti u procesuiranje ratnih zločina

Misija OSCE-a u Bosni i Hercegovini prati i izvještava o sudskim postupcima u predmetima ratnih zločina u nastojanju da pruži objektivnu i preciznu procjenu sposobnosti pravosudnog sistema da na efikasan i ekspeditivan način, krivično procesuirala i sudi u ovoj vrsti predmeta, u skladu sa standardima zaštite ljudskih prava.

Pored svojih aktivnosti praćenja i izvještavanja, Misija OSCE-a također pruža podršku pravosuđu u Bosni i Hercegovini u naporima da osnaži transparentnost pravosudnog sistema, između ostalog kroz objavljivanje podataka i informacija tako da su one lako dostupne javnosti.

U skladu s ovim ciljevima, Misija je razvila mapu procesuiranih ratnih zločina (<http://www.warcrimemap.oscebih.org/>), interaktivni alat koji pruža osnovne informacije o procesuiranju ratnih zločina u BiH. Konkretno, mapa omogućava korisnicima da pronađu okončane postupke u predmetima ratnih zločina prema mjestu (općini), gdje su se desili incidenti i prema nadležnom sudu koji ih je procesuirao.

Svaki predmet je označen markerom na karti. Klikom na marker, korisnik može dobiti osnovne informacije o predmetu i njegovom ishodu, uključujući nezvanični sažetak krivične prijave.

Mapa procesuiranih ratnih zločina sadrži informacije o predmetima ratnih zločina koji su završeni pravosnažnom presudom sudova u BiH od 2003. godine. Mapom će upravljati i redovno je ažurirati Misija OSCE-a u Bosni i Hercegovini. Sadržaj Mape procesuiranih ratnih zločina je u potpunosti zasnovan na javno dostupnim sudskim dokumentima

Alat je dizajniran za široku publiku, koju ne čine samo novinari, civilni aktivisti, naučni radnici i oni koji učestvuju u kreiranju politika, već i šira javnost te svako koga interesuje sudsko procesuiranje predmeta ratnih zločina u BiH.

Popunjavanjem praznina u informacijama trenutno dostupnim javnosti, mapa procesuiranih ratnih zločina ima za cilj da doprinese boljem razumijevanju rada pravosudnih organa u BiH u odnosu na ratne zločine, a time i da poboljša povjerenje javnosti u pravosudni sistem.

Informacije sadržane u Mapi procesuiranih ratnih zločina ne predstavljaju službenu dokumentaciju ili pravni savjet, i ne mogu se pripisati bilo kojoj pravosudnoj instituciji u BiH. Mapu je kreirala Misija OSCE-a u BiH sa jednim ciljem pružanja općih informacija od javnog interesa.